



Kristian Jeremiassen
Inatsisartut Allattoqarfiat
inatsisartut@inatsisartut.gl

Qasigiannugit pillugu § 37 naapertorlugu apeqquteqaammut 2022-068-imut akissut

12-04-2022
Sullap nr.: 2022 - 7005
ID. nr. 74063362

Asasara Kristian Jeremiassen

Qasigiannugit pillugu Inatsisartut suleriaasianni § 37 naapertorlugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutit/it matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1. Qasigiannuguanut allakkat poortukkallu tikinneq ajulertarneri pillugit Naalakkersuisut qanoq iliuuseqarniarpat?

Akissut: Air Greenlandip kiffartuunneqarnissamut isumaqatigiissut naapertorlugu pisussaaffigaa "...*ilaasunik, allakkanik nassiussanillu, taaneqartutut pingaarnersiuiinermit ulleriinnilerlugit, angallassinermut ujartuineq sapinngisamik annertunerpaamik naammassineqartussanngorlugu, angalanissamut pilersaarutit naapertorlugit distriktini angallassinerep attatiinnarnissaa*". Tamanna isumaqarpoq ilaasut allakkanit nassiussaniillu pingaarnersiuiinermit salliutinneqartartussaasut.

Allakkat nassiussassat amerlisimanerannut sumiiffiup sikusimanera pissutaasoq Air Greenland paasissutissiivoq. Tamannalu pequtaalluni Usit immikkut annertuunngorsimanerannik kinguneqarluni. Aammalu Air Greenlandip inuussutissat asiujasut salliutittariaqarsimallugit.

Sila unammillernarsimavoq Air Greenlandilu teknikkikkut unammilligassaqarsimalluni.

Nassiussat sumiiffinnut taakkununga anngutsinnissaannut sapinngisartik tamaat iliuuseqarlutik Air Greenland paasissutissiivoq. Air Greenlandip Arktisk Kommandoisumaqatigiissuteqarfialugu pissutsit iluarsiniarlugit SAR-inut qulimiguulik atorsimavaa. Allakkat nassiussat piffissami kingullermit takkuttartut annertussusaat kiffartuunneqarnissamut isumaqatigiissut naapertorlugu pisussaaffigisaminnit annertunerusut Air Greenlandip tikkuarpaa.

Air Greenland tamatuma saniatigut paasissutissiivoq piffissami 2022-mi januaarimiit martsimut København-ii lanngullugu ornigassanit tamavinnit Qasigiannuguanut agguaqatigiissillugu piffissaq tunniussiviusartoq tassaasoq:

- Poortukkanut ullut 11
- Allakkanut ullut 6
- Nassiussanut ullut 8
- Nassiussanut pingaartinneqartunut ullut 5.

Taamaattoq oqaatigineqarpoq Tusass-imi tunniussinermi annertunerusumik kinguaattoortoqartarsimasinnaasoq, matuma siuliani ilanngunneqanngitsunik.

Air Greenlandip sikusimanera pissutigalugu pissutsit pilersut ajornakusoortut iluarsiniarlugu sulissutigilereermagu, Naalackersuisut maannakkorpiag annertunerusumik iliuuseqarniangillat.

Naalackersuisoqarfimmi Air Greenland ingerlaavartumik oqaloqatigisarpaa pissutsinillu malinnaaffigalugit.

Apeqquut 2. Qasiangnaniit Qasiangnuanullu timmisartumut ilaaneq akisoorujuvoq, Naalackersuisut pilersaaruteqarpat akit kujataanisut akinut aaqiissuteqassallutik?

Akissut: Distriktit kiffartuunneqarnissamut isumaqatigiissuteqarfiusut aalajangersimasut, soorlu Qeqertarsuup Tunua Kalaallit Nunaatalu kujataa, taakkua akornanni akit assigiinngissuteqartut isigineqartut erseqqinnerusumik misissorneqarnissaasa aallartinnaasanut aallarniutaasumik iliuuseqaqqullugu Naalackersuisoqarfiga suliaqaqqunikuuara. Naatsorsuutigaara misissuineq 2022-p ingerlanerani naammassissasoq. Tamanna tunngavigalugu iluarsisoqartariaqassanersoq paasinarsinerussaaq. Suliaq taanna naammassippat, tamanna pillugu paasissutissiissamaarpunga.

Apeqquut 3. Naalackersuisut pissusissamisoortut isigivaat Diskobugt-imi innuttaasut kujataarmiunut sanilliullugit akisunerusumik timmisartuaqqamut akiliisarmata?

Akissut: Apeqquummut 2-mut akissut takuuk.

**Apeqquut 4. Qasiangnaniit Qasiangnuanut timmisartuaqqamut billet-it akikillinissaanik pilersaaruteqarpat?
a. Aappiuppat qaqugu?**

Akissut: Apeqquummut 2-mut akissut takuuk.

Apeqquut 5. Naalackersuisut pilersaaruteqarpat Sarfaq Ittuk Qasiangnuanut aqqusaartalernissaanut?

Akissut: Sarfaq Ittuk-mut maannakkut angalanissamut pilersaarut annertunerpaaffissaaniitineqarpoq. Ornigassanik nutaanik ilanngussissagaanni, assersuutigalugu Qasiangnugit, taamaaqataanik ornigassanik atuutereersunik taamaatitsisoqassasoq naatsorsuutigineqassaaq, imaluunniit umiarsuaq umiarsualivinni ataasiakkaani sapaatip akunnikkaartumik tikittarunnaassalluni.

Assersuutigalugu umiarsuup inuttaasa amerlanersai unnuakkut qasuersertarput. Unnuakkut tikittoqassagalarpat, umiarsuaatillip qasuersernissamut aalajangersakkat imarsiornermut inatsimmi allassimasut naammassisinnaajunnaartussaassavai. Tamatuma kingunerisaanik, unnuakkut tikittoqartarnissaa aallartinneqassappat, suliassap taassuma isumaginissaanut sulisunik amerlanerusunik

atorfinititsisoqartussaavoq. Taamaattoqassappat aningaasanut inatsit aqputigalugu aningaasanik amerlanerusunik immikkoortitsisoqartariaqassaaq.

Apeqput 6. Qasigiannuanut Sarfaq Ittuk aqqusaartalissappat qanoq aningaasartuutaatigilissava?

Akissut: Kiffartuussinissamik isumaqatigiissutit misissornerinut atatillugu naalakkersuisoqarfinnut tamanna misissoquara. Apeqput 2-mut akissutinni eqqaasattut, suliaq taanna naammassippat tamanna pillugu paasissutissiisaanga.

Apeqput 5-imut akissummi eqqaaneqareersutut, Qasigiannugit angallassinissamik pilersaarummut atuuttumut ilanngunneqassappat, illoqarfiit allat tulleriarinermi kingullinngortinneqartariaqalissapput. Akissarsianut aningaasartuutit qaffanneri isertitallu oqimaaqatigiissasut naatsorsuutigineqanngimmat, billetsinut akigitat imaluunniit kiffartuussinissamik isumaqatigiissutit aningaasartaasa periarfissatut qaffanneqartariaqalernissaannik kinguneqarsinnaavoq. Amerlanerusunik sulilersitsisoqassappat, sulisooreersut saniatigut qanoq amerlatigisunik sulilersitsisinaanermut tunngatillugu, umiarsuup angissusaa aamma killeqartitsivoq. Piffissap ingerlanerani angallassinissamik pilersaarut nutartissallugu Naalakkersuisut kissaatigissappassuk, siuliani apeqput ersarinnerusumik misissorneqartussaassaaq.

Neriuppunga qulaani allaqqasuni apeqquteqaatit akineqartoq.

Inussiarnersumik inuulluaqqusillunga


Erik Jensen

